

# LATGALIŠU GAZETA

## Kotram sovs "Leiguo"!

Vysu godu dzīsmis kruoju Juoņa dīnu gaidēdama... tai skaņ seneja myusu tautys dzīsmē i tai jau ir ari myusu dīnuos, ka leiguošonys pasuokumus gaidom vysu godu i pa druskai tīm gatavejamēs jau aiz laika, kab goda eisukū nakti nūdzeivuotu gūdam. Cyts gaida 23.juni, lai suoktu Juoņu zuolis laseit, a cyts svinēt suok jau 21.datumā...



Zane Stafecka i Aiga Sprindža – ģeiguošonys organizatoris Viļānu pusē.

### Jureits

Itymā godā ģeiguošonys pasuokumus varēja reikuot vēļ ģguok, deļtam ka picu breivu dīnu vērtine ļuove i sasagatavēt, i izaklaidēt, i vēļ ari paspēt atsapyust nu tuo vysa.

20. i 21.juni Ludzys piļskolnā tyka reikuots Lelais latgaļu tiergs ar amatnīku daleibu na tikai nu vysys Latgolys, bet ari nu cytim Latvejis nūvodim. Kai izstusteja vins nu ituo pasuokuma organizatorim Eriks Kondrāts, vysys isadevs vēļ loboek nakai suokumā icarāts: nasūt bejs nikaidys sintetikys – ni šašlika, ni vatis i "koka kolys", vysy bejuši pošu amatniceibys ražuojumu pīduovuotuoji, bejs ari ols i kvass i vysaidi Latgolys kulinarejis gordumi. Par gūdu tiergam iz vīty beja sataiseits ari ceplis malnuos keramikys apdadzynuošonai. Ob-ejys dīnys dzīsmis narymušys – dzīduojuši Ludzys folklorys ansambli, i reidzinīkim bejuši leli breinumi, ka latgališi itik daudz dzīsmu sasavucejuši. Tierga dīnu starplaikā, naktī nu 20. iz 21.juni, tyka sareikuoti ari senejī tautys tradiceju rituali saisteibā ar vosorys saulgrīžim.

21.juņa vokorā sovu ģeiguošonu tyvuokim draugim Viļānu pusē reikova Zane Stafecka ar saimi. Ari

ite pasuokums iturāts tradicionālā gorā: ar ģeiguošonju sagaideišonu, dzīsmis dzīdūt, i, caur "bārnū vuortim" izguojuši, visi tūp par eistim Juoņu bārnim, vysys turpynojās ar vainagu peišonu, gunkura vītyš ţkuortuošonu... vysim beja pisaceits isarast tautyskā apģierbā. Pirms saulis rīta vēļ juopagijust apleiguošot sātu, labeibu, bišu drovu, ţzulu i pošu saiminīku. Tod "saulis rīta vuortūs" teik ţkuorts vainags – vēļ nu paguojušu goda palykušais, i, kai saule nūrīt, tai tys vainags teik sadadzynuots. Reizē teik kurynuots golvonais gunkurs, kas tiks sorguots leidz pat saulis lāktam, kod sauleite pasaruodeis trešajūs "saulis lākta vuortūs".

Vysa nakts pait ģeigojūt, doncojūt, rūtaļu išonā i sovstarpejā apdzīduošonā! Iz reita pusi saiminīks sakurynoņ pierti i visi ģeiguošonju var ţtru enerģeji dabuot nu korstajim akminim i zuoļu slūtenis, lai vēļ pirms saulis lākta pagiuotu ari morkā izamauduot.

22.juņa vokors nu jau ari tradicionāli trešū godu tyka ģeiguošonys Kruoslovys rajona Ezernīkūs. Sešūs vokorā beja nalels ierģeļu muzykys koncerts Bukmuižys draudzis bazneicā, a tod jau vysu vokoru i nakti muziciešona, dzīdu-



Saulis rīta vuortūs teik sadadzynuots paguojušu goda vainags.



Muzicej Pīters Matuļs i Alvis Bernāns.

ošona, poštaseituo ola baudeišona, puor gunkuri lēkšona, šypuošonuos i ar laivu vyzynuošonuos Latvejis solom boguotuošonā azarā – Ežezērā. Pīkusūši varēja izagulēt sina škiuni. Paļdis juosoka iztureigajim gitarys spielis pratiejim i garmanis muzykantam Pīteram Matuļam, kas iz mainom spēļēja vysu nakti leidz saulis lāktam.

Piec itaidys vairuoku dīnu ģeiguošonys poša Leiguo dīna 23.juņš klīva par formalitati. Bet varbyut ari labi, ka ģeiguošona nūtyka jau i puors dīnys agruok, piec senejūs tradiceju, kas stuosta, ka eistuo ģeiguošona ir tairišni 21. voi 22.juni, a na kalendara sorkonajā 23.datumā, kod pasaruoda vysaiduokys skalis pastyprynuotuoju elektroniskuos muzykys, šašliki ar ketčupu, šņapsts i buteļu pierktais ols kai aizdzaramais...

Iti ir tikai roksta autora poša pi-

Kū vaira volūdu, tū loboek! **LaKuGa.LV**

### NŪTIKŠONU KALENDERS

#### LaKuGa.LV juņa ziņu arhivs:

Vita Latiševa skaita Jureiša dzejuli / video

Dzeja bārnim / Koiru Kaiva

Latgolys Vuords nu Reigys / 18.juņš

Aillis / Baiba Zveigule

Seikšaltenis pyrma nūtikšonys

Mistifikaceju pasauļš

Dzeja / Koiru Kaiva

Latgolys Vuords nu Reigys / 11.juņš

Poema par zababonu (ironeska)

Puorlaiceigi

Nikuo svareiga

Latgališu volūdai – regionaluos volūdys statuss

Video / ...stuosta F.Trasuna fabulu

Stulps un žbans (fabula)

Latgolys Vuords nu Reigys / 4.juņš


Latgolys Radejai pādejuo dorba dīna?

Par teātri, filmom, televizeju un dzeivi

Veļtejumi bez adresata, 2.daļa. Runuots i padūmuots

Latgaliešu dzejas dream team

Grupys "Dabasū Durovys" stuosts par vosoru i breiveibu.



"Latgališu Gazetu" atbolsta Latgolys regiona atteisteibys agentura i Kulturkapitala fonds.

